

Zefanya

1 דְּבַר־יְהוָה | אֲשֶׁר הָיָה אֶל־צְפַנְיָה בֶן־כוּשִׁי
בֶן־גְּדַלְיָה בֶן־אֲמַרְיָה בֶן־חֲזַקְיָה בִּימֵי יֵאֱשִׁיחוּ
בֶן־אֲמוֹן מֶלֶךְ יְהוּדָה: ² אֲסַף אֲסַף כָּל מַעַל פָּנָי
הָאֲדָמָה נְאֻם־יְהוָה: ³ אֲסַף אָדָם וּבְהֵמָה אֲסַף
עוֹף־הַשָּׁמַיִם וּדְגֵי הַיָּם וְהַמְּכַשְׁלוֹת אֶת־הַרְשָׁעִים
וְהַכְּרַתִּי אֶת־הָאָדָם מֵעַל פָּנָי הָאֲדָמָה נְאֻם־יְהוָה:
⁴ וְנִטִּיתִי יָדַי עַל־יְהוּדָה וְעַל כָּל־יוֹשְׁבֵי יְרוּשָׁלַם וְהַכְּרַתִּי
מִן־הַמָּקוֹם הַזֶּה אֶת־שָׂאֵר הַבָּעַל אֶת־שֵׁם הַכְּמָרִים
עַם־הַכְּהֻנִּים: ⁵ וְאֶת־הַמִּשְׁתַּחֲוִיִּים עַל־הַגְּגוֹת לְצַבָּא
הַשָּׁמַיִם וְאֶת־הַמִּשְׁתַּחֲוִיִּים הַנִּשְׁבָּעִים לַיהוָה וְהַנִּשְׁבָּעִים
בְּמַלְכָם: ⁶ וְאֶת־הַנְּסוּגִים מֵאַחֲרַי יְהוָה וְאֲשֶׁר לֹא־בִקְשׁוּ
אֶת־יְהוָה וְלֹא דָרְשׂוּהוּ: ⁷ הֲסִם מִפָּנָי אֲדַנִּי יְהוָה כִּי קָרוֹב
יוֹם יְהוָה כִּי־הִכִּין יְהוָה זִבְחַ הַקֹּדֶשׁ קִרְאוּ: ⁸ וְהָיָה
בַּיּוֹם זִבְחַ יְהוָה וּפְקַדְתִּי עַל־הַשָּׂרִים וְעַל־בְּנֵי הַמֶּלֶךְ
וְעַל כָּל־הַלְּבָבִשִׁים מְלָבוּשׁ נֹכְרִי: ⁹ וּפְקַדְתִּי עַל כָּל־הַדּוֹלָג
עַל־הַמִּפְתָּן בַּיּוֹם הַהוּא הַמְּמַלְאִים בֵּית אֲדֹנֵיהֶם חֲמָס
וּמְרָמָה: ¹⁰ ס וְהָיָה בַּיּוֹם הַהוּא נְאֻם־יְהוָה קוֹל צְעָקָה
מִשְׁעַר הַדְּגִים וַיִּלְלָה מִן־הַמִּשְׁנָה וְשָׁבַר גְּדוֹל מֵהַגְּבָעוֹת:
¹¹ הִילִילוּ יֹשְׁבֵי הַמְּכַתֵּשׁ כִּי נִדְמָה כָּל־עַם כְּנַעַן נֹכְרֵתוֹ
כָּל־נְטִילֵי כֶסֶף: ¹² וְהָיָה בְּעַת הַהִיא אֲחַפֵּשׂ אֶת־יְרוּשָׁלַם
בְּנֹרוֹת וּפְקַדְתִּי עַל־הָאֲנָשִׁים הַקְּפָאִים עַל־שִׁמְרֵיהֶם
הָאֲמָרִים בְּלִבָּבָם לֹא־יִיטִיב יְהוָה וְלֹא יִרַע: ¹³ וְהָיָה
חִלָּם לַמִּשְׁסָה וּבִתְיָהֶם לְשִׁמְמָה וּבְנוֹ בָתִּים וְלֹא יֵשְׁבוּ
וְנִטְעוּ כְרָמִים וְלֹא יִשְׁתּוּ אֶת־יַיִנָם: ¹⁴ קָרוֹב יוֹם־יְהוָה

הגדול קרוב ומהר מאד קול יום יהוה מר צרח שם
 גבור: ¹⁵ יום עברה היום ההוא יום צרה ומצוקה
 יום שאה ומשואה יום חשך ואפלה יום ענן וערפל:
¹⁶ יום שופר ותרועה על הערים הבצרות ועל הפנות
 הגבהות: ¹⁷ והצרת לאדם והלכו כעורים כי ליהוה
 חטאו ושפך דמם כעפר ולחמם כגללים: ¹⁸ גם-כספם
 גם-זהבם לא-יוכל להצילם ביום עברת יהוה ובאש
 קנאתו תאכל כל-הארץ כי-כלה אר-נבהלה יעשה את
 כל-ישובי הארץ: ס

2 ¹ התקוששו וקושו הגוי לא נכסף: ² בטרם לדת
 חק כמץ עבר יום בטרם | לא-יבוא עליכם
 חרון אף-יהוה בטרם לא-יבוא עליכם יום אף-יהוה:
³ בקשו את-יהוה כל-ענוי הארץ אשר משפטו פעלו
 בקשור-צדק בקשו ענוה אולי תסתרו ביום אף-יהוה:
⁴ כי עזה עזובה תהיה ואשקלון לשממה אשדוד
 בצהרים יגרשוה ועקרון תעקר: ס ⁵ הוי ישובי חבל
 הים גוי כרתים דבר-יהוה עליכם כנען ארץ פלשתים
 והאבדתיך מאין יושב: ⁶ והיתה חבל הים נות כרת
 רעים וגדרות צאן: ⁷ והיה חבל לשארית בית יהודה
 עליהם ירעון בבתי אשקלון בערב ירבצון כי יפקדם
 יהוה אלהיהם ושב [שבותם כ] (שביתם: ק) ⁸ שמעתי
 חרפת מואב וגדופי בני עמון אשר חרפו את-עמי
 ויגדילו על-גבולם: ⁹ לכן חי-אני נאם יהוה צבאות
 אלהי ישראל כי-מואב כסדם תהיה ובני עמון כעמרה
 ממשק חרול ומכרה-מלח ושממה עד-עולם שארית
 עמי יבזום ויתר [גוי כ] [גויי ק] ינחלום: ¹⁰ זאת להם
 תחת גאונם כי חרפו ויגדלו על-עם יהוה צבאות:
¹¹ נורא יהוה עליהם כי רזה את כל-אלהי הארץ

וַיִּשְׁתַּחֲוּוּ-לוֹ אִישׁ מִמְּקוֹמוֹ כָּל אֵיִי הַגּוֹיִם: ¹² גַּם-אַתֶּם
 כּוֹשִׁים חֲלָלֵי חֶרֶב־הַמָּה: ¹³ וַיֵּט יָדוֹ עַל-צִפּוֹן וַיֹּאבֵד
 אֶת-אֲשׁוּר וַיִּשֶׁם אֶת-נִינּוּה לְשִׁמְמָה צִיָּה כַּמְדַּבֵּר:
¹⁴ וַרְבְּצוּ בְתוֹכָה עֲדָרִים כָּל-חֲתִיתוֹ-גּוֹי גַּם-קָאֵת גַּם-קָפַד
 בְּכַפְתָּרֶיהָ יְלִינוּ קוֹל יְשׁוּרֵר בְּחִלּוֹן חֶרֶב בְּסָף כִּי אַרְזָה
 עָרָה: ¹⁵ זֹאת הָעִיר הָעֲלִיזָה הַיּוֹשֶׁבֶת לְבֶטַח הָאֲמָרָה
 בְּלִבָּבָה אֲנִי וְאֶפְסִי עוֹד אֵיךְ | הִיְתָה לְשִׁמָּה מֵרַבֵּץ לַחַיָּה
 כָּל עוֹבֵר עָלֶיהָ יִשְׂרָק יִנִּיעַ יָדוֹ: ס

3 ¹ הוּי מְרָאָה וְנִגְאָלָה הָעִיר הַיּוֹנָה: ² לֹא שָׁמְעָה בְּקוֹל
 לֹא לְקַחָה מוֹסֵר בִּיהוּה לֹא בְטַחָה אֶל-אֱלֹהֶיהָ לֹא
 קִרְבָּה: ³ שָׁרְיָה בְּקִרְבָּה אֲרִיּוֹת שֹׁאֲגִים שִׁפְטִיָּה זָאבִי
 עָרַב לֹא גִרְמוֹ לְבִקֵּר: ⁴ נְבִיאֶיהָ פְּחֹזִים אֲנָשִׁי בְּגִדוֹת
 כְּהֵנִיָּה חֲלָלוּ-קֹדֶשׁ חֲמָסוֹ תוֹרָה: ⁵ יְהוּה צָדִיק בְּקִרְבָּה
 לֹא יַעֲשֶׂה עוֹלָה בְּבִקֵּר בְּבִקֵּר מִשְׁפָּטוֹ יִתֵּן לְאוֹר לֹא
 נַעֲדָר וְלֹא-יִוָּדַע עוֹל בְּשֶׁת: ⁶ הִכְרַתִּי גּוֹיִם נִשְׁמוֹ פְּנוֹתָם
 הַחֲרַבְתִּי חוֹצוֹתָם מִבְּלִי עוֹבֵר נִצְדוֹ עָרִיהֶם מִבְּלִי-אִישׁ
 מֵאִין יוֹשֵׁב: ⁷ אִמַּרְתִּי אַךְ-תִּירָאִי אוֹתִי תִקְחִי מוֹסֵר
 וְלֹא-יִכְרַת מְעוֹנָה כָּל אֲשֶׁר-פָּקַדְתִּי עָלֶיהָ אַכֵּן הַשְׁכִּימוֹ
 הַשְּׁחִיתוֹ כָּל עֲלִילוֹתָם: ⁸ לֵכֵן חֲכוּ-לִי נְאֻם-יְהוּה לְיוֹם
 קוֹמִי לְעַד כִּי מִשְׁפָּטִי לְאַסֹּף גּוֹיִם לְקַבְּצִי מִמַּלְכוֹת
 לְשַׁפֵּךְ עֲלֵיהֶם זַעֲמִי כָּל חֲרוֹן אַפִּי כִּי בָּאֵשׁ קִנְאֵתִי תֹאכַל
 כָּל-הָאָרֶץ: ⁹ כִּי-אֲז אֶהַפֵּךְ אֶל-עַמִּים שְׁפָה בְּרוּרָה לְקֹרָא
 כָּל־שֵׁם יְהוּה לְעַבְדוֹ שְׁכֵם אֶחָד: ¹⁰ מֵעַבְר לְנִהַר-יְכוֹשׁ
 עַתְרִי בַת-פּוֹצִי יוֹבִלוֹן מִנְחָתִי: ¹¹ בְּיוֹם הַהוּא לֹא תִבוֹשִׁי
 מִכָּל עֲלִילֹתֶיךָ אֲשֶׁר פָּשַׁעְתָּ בִּי כִי-אֲז | אֲסִיר מִקִּרְבְּךָ
 עֲלִיזִי גֵאוֹתֶךָ וְלֹא-תוֹסִפִּי לְגַבְהָה עוֹד בְּהַר קֹדֶשִׁי:
¹² וְהִשְׁאַרְתִּי בְּקִרְבְּךָ עִם עֲנִי וְדָל וְחָסוּ בְּשֵׁם יְהוּה:
¹³ שְׂאֵרִית יִשְׂרָאֵל לֹא-יַעֲשׂוּ עוֹלָה וְלֹא-יִדְבְּרוּ כִזָּב

וְלֹא־יִמָּצָא בְּפִיהֶם לְשׁוֹן תְּרֵמִית כִּי־הִמָּה יִרְעוּ וְרִבְצוּ
 וְאִין מַחְרִיד: ס ¹⁴ הַנִּי בַת־צִיּוֹן הִרְיעוּ יִשְׂרָאֵל שְׂמָחִי
 וְעֲלִזִי בְּכָל־לֵב בַּת יְרוּשָׁלַם: ¹⁵ הַסִּיר יְהוָה מִשְׁפָּטֶיךָ
 פְּנֵה אִיבֶךָ מֶלֶךְ יִשְׂרָאֵל | יְהוָה בְּקִרְבְּךָ לֹא־תִירָאֵי רַע
 עוֹד: ¹⁶ בַּיּוֹם הַהוּא יֹאמֶר לִירוּשָׁלַם אֶל־תִּירָאֵי צִיּוֹן
 אֶל־יִרְפוּ יַדֶּיךָ: ¹⁷ יְהוָה אֱלֹהֶיךָ בְּקִרְבְּךָ גָּבוּר יוֹשִׁיעַ
 יִשִּׁישׁ עֲלֶיךָ בְּשִׂמְחָה יַחְרִישׁ בְּאַהֲבָתוֹ יִגִּיל עֲלֶיךָ בְּרִנָּה:
¹⁸ נוֹגֵי מִמוּעַד אֲסַפְתִּי מִמֶּךָ הִיוּ מִשָּׂאת עָלִיהָ חֲרָפָה:
¹⁹ הַנְּנִי עֲשֵׂה אֶת־כָּל־מַעֲנֶיךָ בְּעַת הַהִיא וְהוֹשַׁעְתִּי
 אֶת־הַצִּלְעָה וְהִנְדַּחָה אֶקְבֹּץ וְשִׂמְתִים לַתְּהִלָּה וְלִשְׁם
 בְּכָל־הָאָרֶץ בְּשֵׁתֶם: ²⁰ בְּעַת הַהִיא אָבִיא אֶתְכֶם וּבְעַת
 קִבְּצִי אֶתְכֶם כִּי־אֶתֶן אֶתְכֶם לִשְׁם וְלַתְּהִלָּה בְּכָל עַמִּי
 הָאָרֶץ בְּשׁוּבִי אֶת־שְׁבוּתֵיכֶם לְעֵינֵיכֶם אֹמֵר יְהוָה: